



Inatsisartunut ilaasortaq
Karl Kristian Kruse, Siumut

**§ 37 naapertorlugu apeqqumut nr. 13 2020-mut
soraarnerussutisiaqalernissamut aaqqissuussinermut peqataasussaataaneq
pillugu pillugu akissut**

Brevdato: 10-02-2020
Sags nr. 2020 - 1369

Asasara Karl Kristian

Inatsisartut Suleriaasiat § 37, imm. 1 naapertorlugu, Naalakkersuisunut
Soraarnerussutisiaqalernissamut aaqqissuussinermut peqataasussaataaneq pillugu
apeqqummik nassiussivutit. Apeqqut uannut akineqartussanngorlugu
innersuunneqarpoq.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nаноq.gl
www.naalakkersuisut.gl

**1. Ileqqaartussaataanerup 6-8%-imut inissinnera qanoq aningaasaqarnikkut
kinguneqassava?**

Apeqqut imatut paasineqarpoq, soraarnerussutisiaqalernissamut aaqqissuussinermut
peqataasussaataaneq 6-8 pct-imut aalajangerneqassasoq, isertitat 10 pct.-ianut
aalajangerneqarani.

Aallaqqaasiullugu ersersinneqassaaq, minnerpaamik killigititaq 10. pct.-imut
aalajangerneqarsimasoq tunngavigisat makku aallaavigalugit:

- Matussutissat 75 pct.-iunissaannik anguniagaq, tassa imaappoq
soraarninngornermi aningaasarsiat pisortanit pensionisiat ilanngullugit
minnerpaamik amerlassuserissavaat suliunnaarnissaq sioqqullugu
sulinnikkut aningaasarsiat 75 pct.-ii
- Sinniinissaq, tassa imaappoq matussutissat 100 pct.-init
amerlanerulernissaat pinngitsoortinniarneqassaaq
- Sulinnikkut aningaasarsiaqarlunilu ileqqaarneq ukiuni 25-ni ukioq naallugu
suliffeqarnermut naapertuuttut
- Sulinnikkut aningaasarsiat ukiumut 250.000 kr.-t
- Soraarninngorluni inuulernermi ukiut suli inuuffissat 15-it
- Ileqqaakkat erniaat aningaasat naleerukkiartornerannik ilanngakkat 2 %-
iussapput, iluanaarutinillu akileraarut 15,3 %-iussaaq

Minnerpaamik ileqqaakkat taamatut, sulereernerup kingorna inuup ataatsip isertitanik
annaasaqarnerata annertuallaannginnissaanik pinaveersaartitsisinnaapput.
Soraarnerussutisiallit ingammik aningaasaqarnikkut allannguutininik eqqortianerupput,
nalinginnaasumik isertitatik annertusisinnaannginnamikkit. Taamaamat aamma
anguniagaq pingaaruteqarpoq, innuttaasut soraarninngornissaat, ineqarnerminnik
imaluunniit allamik atuinerminnik allanngorpallaartoqaqqunagu. Pitsaanerpaajussaaq
soraarninngorlaat inuuniarnikkut atugarisamikkut ajornerulersitsisunik
misigisimalinnginnissaat.

6-8 %-iinnarmik isertitat naapertorlugit ileqqaagaqartoqarniarpat soraarnerussutisialik soraarnerussutisiaqaleruni, annikinnerusumik isertitaqalissaaq.

Utoqqalinersiutinullu aningaasartuutit tatineqassapput, ukiunilu aggersuni utoqqalinersiutillit amerlippata qaffakkumaarlutik. Naatsorsueqqissaartarfiup innuttaasunik missingersuutaata ukiuni aggersuni utoqqaat amerlissasut ersersippaa. Tamannalu utoqqarnut ilaatigullu utoqqalinersiutinut, sanaartugassanut, utoqqaat illuinillu ingerlatsinissamut il.il. aningaasartuutit annertunerulernissaanik kinguneqassalluni. Utoqqarnut aningaasartuutit allatut oqaatigalugu, pisortat aningaasaqarnerat tamarmiusumik ineriartorneranut annertunerusumik sunniuteqassapput.

Innuttaasut isertitaat naapertorlugu 6-8 pct.-iinnarmik 10 pct.-iunngitsumillu ileqqaagaqarniarpata, pisortat aningaasaqarnerat tatineqassaaq, taamatullu annertuumik piffissaq ungasinnerusumut aningaasaqarnikkut attassisinnaanermut sunniuteqarluni.

2) Ileqqaartussaataanerup annikinnerpaaffiata 4%-imut uterteqissinnaanera Naalakkersuisut isumaliutersuutigaat?

Soraarnerussutisiassanik ileqqaartussaanerit innuttaasumut ataatsimut takussutissaavoq pineqartup aningaasanik atuinissaminik kingusinnerusumut kinguartitsineranut. Sulinerup nalaani isertitani tamaasa atornagit, isertitalli ilai soraarninngornermi aatsaat atugassanngorlugit. Inuup ataatsip inuunerata ingerlanerani isigalugu taamatut isertitai iluarnerusumik agguarneqassapput. Taamatut inuunerup sinneranut agguaaaneq imminut pilersornermik namminerlu akisussaaffeqarnermik tunngaveqarnermut naapertuulluarpoq.

Inatsisip atuutilernerani 1. januar 2018-imi ileqqaakkat minnerpaamik 4 pct.-iupput. piffissami 2019-2024 tamanna tunngaviup procentia ukiumut 1 procentpointimik qaffanneqartassaaq, taamaasilluni tunngavik 2024-mi 10 pct.-inngussalluni. Suliffiit namminersortuni sinneqartoormi 2018-imi ileqqaakkat minnerpaamik 2 pct.-iupput 2022-mullu ingerlaartumik qaffakkiartussallutik 6 pct.-imut.

Apeqqu 1-ip akissutaa innersuunneqarnerani ersersinneqassaaq Naalakkersuisut manna ileqqaakkat minnerpaamik 4 pct.-imut apparnissaanut pilersaaruteqanngillat.

3) 2024-imi ileqqaartussaataaneq 10%-imut qaffanneqassaaq, tamanna Naalakkersuisut nalilersoqqinniarpaa?

Naalakkersuisut Inatsisartut inatsisaata allanngortinneqarsinnaaneranut oqallinnissamut ammapput.

Apeqqu 1-ip ataani oqaatigineqareertutut, ileqqaakkat minnerpaamik inatsimmi 10 pct.-imut aalajangerneqarnera arlalinnik peqquteqarluarpoq. Atuutsitsilernermi siunertaavoq suliffeqarfiit isumaqatigiissutaannik il.il. tulluarsarnissaannut periarfissinniarlugit, taavalu innuttaasut malittarisassanik nutaanik sungiussinissaannut piffissalerniarlugit.

Tassungaaq atatillugu malugeqquneqassaaq assersuutigalugu SIK-p pisortanut niuernermi allaffissornermilu pisortanni isumaqatigiissutaani soraarnerussutisiaqalernissamut akiliut

skala malillugu akissarsiaqarneq 11,50 pct.-iuvoq. Taamatullu Ilinniagaqarsimasut ilinniagaqarsimanngitsullu akunnermusiallit pillugit isumaqatigiissusiortoqarnikuvoq. Maannamut isumaqatigiissutini taakkunani, soraarnerussutisiaqalernissamut akiliummi tapinut il.il. akiliinissaq isumaqatigiissutigineqanngilaq.

4) Ileqqaartussaaitaanermi kinguaattoorutini, akileraarutit aqutugalugit, aningaasarsianit ilanngaattarnerup allanngortissinnaanera Naalackersuisut nalilersornikuuat?

SIK-mit, GE-mit, Grønlandsbankenimit, Akileraarnermut Aqutsisoqarfimmit aamma Aningaasaqarnermut Naalackersuisoqarfimmit sinnisoqartumik suleqatigiissitaqarpoq. Suleqatigiissitap ilaatigut Inatsisartut inatsisaata allanngortinneqarnissaa pisariaqarnerseq misissussavaat. Suleqatigiissitap, sulisitsisut, tunisisartut il.il iluaqutaasumik annertunerusumik akisussaaffilersinnaaneri, sulisut il.il. soraarnerussutisiaqalernissaannut imaqartut akiliuteqartarnerillu ilanngullugit aamma saniatigut misissussavaa.

Inussiarnersumik inuulluaqqusillunga

Med venlig hilsen


Vittus Qujaukitsog